

Prirodno-matematički fakultet
Društvo matematičara i fizičara Crne Gore

OLIMPIJADA ZNANJA 2015

Rješenja zadataka iz MATEMATIKE
za VIII razred osnovne škole

1. Izračunati

$$\left(1 - \frac{1}{4}\right) \cdot \left(1 - \frac{1}{9}\right) \cdot \left(1 - \frac{1}{16}\right) \cdot \dots \cdot \left(1 - \frac{1}{2015^2}\right).$$

Rješenje: Uočimo da je

$$\left(1 - \frac{1}{k^2}\right) = \left(1^2 - \left(\frac{1}{k}\right)^2\right) = \left(1 - \frac{1}{k}\right) \cdot \left(1 + \frac{1}{k}\right) = \frac{k-1}{k} \cdot \frac{k+1}{k}.$$

Slijedi

$$\begin{aligned} & \left(1 - \frac{1}{4}\right) \cdot \left(1 - \frac{1}{9}\right) \cdot \left(1 - \frac{1}{16}\right) \cdot \dots \cdot \left(1 - \frac{1}{2015^2}\right) \\ &= \left(1 - \frac{1}{2}\right) \cdot \left(1 + \frac{1}{2}\right) \cdot \left(1 - \frac{1}{3}\right) \cdot \left(1 + \frac{1}{3}\right) \cdot \left(1 - \frac{1}{4}\right) \cdot \left(1 + \frac{1}{4}\right) \cdot \dots \cdot \left(1 - \frac{1}{2015}\right) \cdot \left(1 + \frac{1}{2015}\right) \\ &= \frac{1}{2} \cdot \boxed{\frac{3}{2} \cdot \frac{2}{3}} \cdot \boxed{\frac{4}{3} \cdot \frac{3}{4}} \cdot \boxed{\frac{5}{4} \cdot \frac{4}{5}} \cdot \dots \cdot \boxed{\frac{2015}{2014} \cdot \frac{2014}{2015}} \cdot \frac{2016}{2015} \\ &= \frac{1}{2} \cdot \frac{2016}{2015} \\ &= \frac{1008}{2015}. \end{aligned}$$

□

2. Odrediti najmanji prirodan broj koji podijeljen sa 2 daje ostatak 1, podijeljen sa 3 daje ostatak 2, podijeljen sa 4 daje ostatak 3, itd. i, najzad, podijeljen sa 10 daje ostatak 9.

Rješenje: Neka je n traženi broj. Uočimo da je broj $n+1$ djeljiv sa $2, 3, 4, \dots, 9, 10$, pa je $n+1$ najmanji zajednički sadržalac brojeva $2, 3, 4, \dots, 9, 10$, odnosno

$$n+1 = 2^3 \cdot 3^2 \cdot 5 \cdot 7,$$

odnosno

$$n = 2^3 \cdot 3^2 \cdot 5 \cdot 7 - 1 = 2519.$$

□


3. Od 8 kuglica, polovina njih ima jednu, a druga polovina ima drugu težinu. Kako, koristeći vagu bez tegova, u najviše 2 mjerenja možemo naći dvije kuglice različitih težina?

Rješenje: Kuglice numerišimo brojevima $1, 2, 3, \dots, 8$. Prvo postavimo po 4 kuglice na dvije strane vage. Na jednoj su kuglice označene brojevima $1, 2, 3, 4$, a na drugoj kuglice označene sa $5, 6, 7, 8$. Ako je ravnoteža, tada se na oba kraja nalaze po dvije teške i dvije lake kuglice. Uzmemo sada 4 kuglice označene brojevima $1, 2, 3, 4$ (od njih su dvije lake i dvije teške) i postavimo po dvije na dvije strane vage. Tada postoje dvije mogućnosti: (I) Vaga je u ravnoteži. Onda su na svakoj od strana po jedna teška i jedna laka kuglica i tada imamo par kuglica različitih težina. (II) Vaga nije u ravnoteži i tada su na jednoj strani obje kuglice lake, a na drugoj su obje teške. Uzimajući po jednu kuglicu sa obje strane, dobijamo dvije tražene kuglice.

Ako je već u prvom mjerenju (po 4 kuglice) neravnoteža, tada su na jednoj strani (onoj koja preteže) bar 3 teške kuglice. Pretpostavimo da pretežu kuglice označene brojevima $1, 2, 3, 4$. Tada uzimamo te 4 kuglice sa teže strane i postavljamo ih po dvije na razne strane vage, na jednu stranu kuglice označene brojevima $1, 2$, a na drugu kuglice označene brojevima $3, 4$. Ako je ravnoteža, onda su po dvije teške kuglice na svakoj strani, dakle teške su kuglice $1, 2, 3, 4$, a lake $5, 6, 7, 8$ i možemo uzeti par laka-teška, jednu iz prve, a drugu iz druge grupe. Ako je neravnoteža onda su na "težoj" strani dvije teške kuglice, a na "lakoj" jedna teška i jedna laka kuglica i opet imamo traženi par, to je par kuglica koje su postavljene na stranu za koju se ispostavilo da je "lakša". \square

4. Ugao kod tjemena A trougla $\triangle ABC$ iznosi 60° . Normala u središtu L stranice AB siječe pravu AC u tački N , a normala u središtu K stranice AC siječe pravu AB u tački M . Dokazati da je $|MN| = |BC|$.

Rješenje: Posmatrajmo pravougli trougao $\triangle ALN$ (slika 1.).



Slika 1.

Ugao $\angle LAN = 60^\circ$, pa je $|AN| = 2|AL| = |AB|$. Slično, u pravouglom trouglu $\triangle AKM$ ugao $\angle MAK = 60^\circ$, pa je $|AM| = 2|AK| = |AC|$. Slijedi da su trouglovi $\triangle ABC$ i $\triangle ANM$ podudarni, jer je $|AN| = |AB|$, $\angle MAN = \angle CAB$ i $|AM| = |AC|$, pa slijedi da je $|BC| = |MN|$. \square